



Politička organizacija građana **NAŠA STRANKA**
Adresa: Branilaca Sarajeva 5/1
71000 Sarajevo, Bosna i Hercegovina

Miomirka Melank

Zastupnica Naše stranke u Skupštini Kantona Sarajevo
Sarajevo, 13. 10. 2025.

Dostaviti:

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
Skupština Kantona Sarajevo
n/r predsjedavajući Skupštine Kantona Sarajevo

Uputiti:

Ministarstvu unutrašnjih poslova KS

PREDMET: ZASTUPNIČKA INICIJATIVA

Poštovani,

1

Na osnovu člana 106. Poslovnika Skupštine Kantona Sarajevo ("Službene novine Kantona Sarajevo", brojevi 25/10, 14/11, 19/11, 7/12, 26/12, 15/13, 47/13, 47/15, 48/16, 9/20 i 14/20), upućujem

INICIJATIVU za izmjenu Etičkog kodeksa policijskih službenika MUP-a Kantona Sarajevo s ciljem jačanja kulture uzajamnog poštovanja i očuvanja ljudskog dostojanstva u komunikaciji između policije i građana.

U Etički kodeks MUP-a Kantona Sarajevo predlažem dodavanje sljedeće odredbe:

"Policijski službenici su dužni u svakom obliku komunikacije s građanima koristiti pristojan, profesionalan i neutralan govor, uz obavezno persiranje, bez obzira na dob, spol, etničku pripadnost, socijalni status ili okolnosti postupanja. Takav način obraćanja predstavlja minimum institucionalnog poštovanja i doprinosi očuvanju ljudskog dostojanstva."

Također, predlažem dopunu postojećih odredbi koje regulišu:

- **Standarde verbalne i fizičke komunikacije,**
- **Obavezu poštovanja kulturnih normi u okviru mogućeg,**
- **Edukaciju službenika o komunikacijskim vještinama.**

Ciljevi izmjene Kodeksa su obostrano jačanje povjerenja građana i policije, promocija kulture dijaloga i uzajamnog poštovanja, smanjenje konflikata i tenzija u neposrednoj komunikaciji i skladištanje sa evropskim standardima profesionalnog ponašanja.

Obrazloženje:

Univerzalna deklaracija o ljudskim pravima Ujedinjenih nacija snažno naglašava dostojanstvo kao temeljnu vrijednost za svakog čovjeka. Uvodni dio Deklaracije počinje riječima: „Pošto je priznavanje urođenog dostojanstva i jednakih i neotuđivih prava svih članova ljudske porodice temelj slobode, pravde i mira u svijetu...”

Iako je u većini poštivanje dostojanstva, normi ponašanja i Kodeksa dobro, uočeno je da u svakodnevnoj komunikaciji između policijskih službenika i građana ponekad izostaje element osnovne pristojnosti - persiranje, odnosno obraćanje građanima u drugom licu množine ("Vi"). Ovakav oblik komunikacije ne samo da je kulturološki standard u BiH, već i izraz institucionalnog poštovanja prema svakom pojedincu.

Etički kodeks predstavlja temelj profesionalnog ponašanja policijskih službenika i ključan je za očuvanje dostojanstva i izgradnju povjerenja između institucija i građana. U savremenom demokratskom društvu, odnos između policije i građana mora se temeljiti na međusobnom poštovanju, pristojnosti i očuvanju ljudskog dostojanstva.

S poštovanjem,

Miomirka Melank